

晚

晴

移

詩

匯

晚晴縹詩匯卷八十四目錄

紀淑曾 八首

王時亮 一首

鄧獻璋 二首

周鼎樞 二首

朱休度 七首

文上杰 一首

賈虞龍 九首

胡蔚 二首

郭同芳 一首

楊瑞 三首

楊垕 十首

孫起棟 二首

莊培因 三首

倪承寬 一首

汪永錫 一首

戈源 一首

曹學閔 六首

查善長 二首

于宗瑛 一首

胡紹鼎 五首

顧鎮 一首

葉佩蓀 五首

沈業富 二首

李夔班 一首

黃惠 五首

周春 一首

張湘 二首

陸耀 五首

甯楷 二首

梁肯堂 二首

劉秉恬 一首

畢廷斌 二首

蔣業晉 五首

鞠悞 一首

盛百二 二首

蕭霖 四首

李天英 三首

覺羅成桂 二首

周得壽 一首

何在田 七首

晚晴綈詩匯卷八十四

徐世昌

紀淑曾字衣孟號秋槎文安人乾隆癸酉舉人歷官湖南鹽法長寶道有漢皋集

詩話秋槎宰長陽牧西陽守漢陽斷疑獄捍水患深  
有惠於民分巡沅永靖迭攝藩臬兩司以母老乞  
歸詩清遠高曠得山川之助爲多

雨夜同牧原

急風催暝色和雨到庭柯寒近窗前蚤愁如葉下多田園  
催晚節江水漲微波相慰渾忘寐孤鐙耿薜蘿

庚子秋姚雪門學使將赴都門贈別

帆影破湘煙春深古驛前西窗話遙夜南國喜涼天交意  
淡如此客心愁黯然江頭花月夕強半是離筵

八月猶餘熱清尊昨日開江聲兼雨至嶽色隔城來虛館  
穿花樹生香落酒杯阿誰歌水調惆悵鬢毛催

再送牧原

大別山前春水長伯牙臺畔早梅香君今買櫂去沙渚我  
亦迴車思故鄉江上離筵驚草草夢中白日過堂堂鹿門  
煙樹春明月小立東風淚幾行

和顧牧原舟中見寄原韻

青山白浪晚崢嶸愁指寒雲是去程天上星辰勞北望舟  
中兒女倦西征夕陽郎口帆初卸野岸椒盤歲又更獨對  
庭梅思折贈夜窗風雪暗孤檠

晴川西望渺春波卻喜移家野興多近市山亭開甕酒種  
花門巷繞梁歌凍雲回首江頭別芳歲驚心客裏過漫擬

忘機去沙渚竹煙深處鳥聲和

九日嶽麓登高薄暮渡江卽事

嶺雲汀樹總宜秋九日新晴作勝游亭倚山腰低萬壑帆  
隨洲影翦雙流澄江亂下漁人網飛蓋遙迎水驛樓詩境  
蒼涼殘醉裏菊花天氣木蘭舟

寄軒卽事用王少林韻

江上人家柳罨汀寒山繞郭暮煙青蘭前一片瀟湘色落  
日秋心滿洞庭

王時亮字寅蒼臨淄人乾隆癸酉舉人歷官衛輝知府  
有紫泉吟詩藁

游山歸途作

回首山中路茫茫煙欲封前村數點火遠寺一聲鐘櫓響

冰生渡林明雪壓松定知今夜夢猶自繞諸峯

鄧獻璋字方侯一字硯堂祁陽人乾隆丙辰舉博學鴻  
詞癸酉舉人由教諭歷官渠縣知縣有滿花書屋稟  
秋日早發尉氏縣

尉氏征鞍早行行入畫中深煙連斷岸斜月澹疏桐驢背  
霜華冷雞聲夢境空東偏村落曉柿葉爛秋紅

都門送劉芳玖之官蜀中

青天不易上蜀道古來難十二巫峯裏飄然寄一官雨雲  
行處幻琴鶴坐邊寒明歲北歸雁煩君寄羽翰

周鼎樞字凝甫號榆所嘉善人乾隆癸酉舉人官武功  
知縣有清聞齋詩存

爛柯山

石梁橫亘如長虹青芝白石披蒙茸不知何年策爾五丁  
力天驚石破懸玲瓏我來山中秋已杪山前木落禿如掃  
不見當年伐木人空餘斷碣橫秋草盤盤一徑入空青欲  
散不散煙冥冥日月雷雨走其下龍歸時復聞羶腥俯視  
鱗鱗見城郭曠哉天地何寥廓仙子樵人雖不存已覺胸  
中去黏縛吁嗟乎神仙之說亦太奇殘星半局滄桑移摩  
挲石枰三太息松風浩浩雲霏霏

未歸

楊柳陂頭日問津蕭然猶是未歸身愁中詩句真佳友客  
裏青氈似故人時務策成安命薄絕交書至悟家貧白沙  
翠竹秋江路思得漁童捧釣綸

朱休度字介裴號梓廬秀水人乾隆癸酉舉人官廣靈



知縣有壺山自吟稟

詩話梓廬爲文恪裔孫淵源家學博涉多通晚年自言困於簿書詩思如黃楊厄閭不復能生發極其分不過如南宋金源最小家之一鱗片甲譽之者謂其晚律之細已入老杜之室語皆過當律以宋金不失爲廬山淦水之遺

扶筇

老催花事減春惱病懷深  
小雨遲晨起殘紅入暮陰  
天涯芳草夢身外野雲心  
俯仰茫茫裏扶筇一短吟

冬夜偶成

何心出岫落窮邊枯盡形容白  
盡顛野有流亡少長策家  
無儋石況殘年愁併塞北風  
號夜夢斷江南水接天卻羨  
黃州員外置閒居尙食酒囊錢

登嶽同黃刺史

照作

桑乾外抱東北奔抱內山者水名渾渾河一委承八源逆  
西南流桑乾吞八源所出勞難論絡嶽之腋灑嶽跟跟有  
一峽水瀑潏架水作棧梁鼉鼉懸壁之下厚陰昏背入腰  
轉攀天門無數山壅困廩屯五臟六腑互爲根嶽包如心  
臟腑君厥心中空厥頂髡勢兜左右微輕軒形家乃以鉗  
爲言直言導脈從崑崙萬里入首臨中原泰山如坐嵩如  
蹲如行如立衡華騫此山獨卧自然尊石不璵璫草不蕃  
太樸一氣稟混元周三千里蟠外垣錐指之地太極存上  
應虛危擘中分壁開如幃如缺盆負陰抱陽向午瞰直午  
一峯如守闔貪星變廉火焯焯丙張丁柳無偏反天造地  
設非強云柰何立廟羞蘋蘩昧厥宅中旁是援當年議祀  
聚訟紛曲陽飛石誣恩愾只今懷柔百禮惇明禋釐正神

所欣那更遷廟移鐘鼓宅幽都正如中軍如人坐車前式  
轅還元洞封靈寶文會仙府集羣真旛僊之人兮渺白雲  
兩伯之樂何處聞仰瞻俯睇盪心魂側身懷古蒼煙痕黃  
君守上古治敦神之聽之民無冤邀我登嶽謁帝孫題名  
嶽壁聯簾幄勸我作歌辭復溫我無筆力扛鼎翻敢繪日  
月摹乾坤昌黎遺誠時乃諉雖欲悔舌不可捫

始游南山寶峯寺

一塢如兜向北東中有如毳千萬松兜作佛坐坐銜月毳  
作山衣衣滿風塞山誠比體頑劣不蕃草木山山童誰料  
碣磳碗碗裏居然小窟藏瓊瓏從山左臂盤盤入忽入大  
癡圖畫中嵐浮翠暖麗如許銀海光刮金篦功若移寶地  
置通邑早誇勝概題名公乃今埋沒久無問非爾縣官誰

則從吁嗟乎縣官之俗俗難醫縣境之陋陋於夷餓隸如  
鬼鞭之叫逋糧如山責之疲惟習虛文畫尾諾了無實政  
蘇邊黎居如籠繫城如斗閒行寂坐愁容癡今朝跨馬得  
來此無小無大生歡喜相與俗吏前厥腸更教陋邦洒其  
恥不聞坐上龍眠客有言我今恍惚還家矣

寄題龍谿黃氏璞園學舍園在黃石齋先生鄴山書  
院之旁

有明熹廟壬戌科先公典試人材多漳浦黃公出門下匣  
開虹見騰太阿海南碩果讀書種凜凜氣節堅不磨傳道  
鄴山講學處堂三亭五流絃歌百年舊基廢復舉先型遺  
愛神人呵乃有江夏令兄弟聞風興起勤規摩增置園亭  
作學舍分巖絕壑依陂陀茲山奇麗富景色背負峯面橫

江波朱明洞開返照入赤城標建晴霞拖翠疊紅稠錦繡  
谷武夷九曲無或過嗚呼黃公生逢百六運不廢禮樂因  
干戈三易羣經有述作疏說貫串祛其訛況今清晏尙儒  
術禮門義路平不頗後生游談但束閣誰溯後海窮先河  
璞園之作志景仰用意非獨耽煙蘿學比登山互鞭策工  
得居肆羣切劘連屋之書拂雲樹詎讓山林人姓何我少  
失學老而悔誦芬詠烈慚顏酖萬里題詩感離索夢入幼  
塾還嘉禾焉得雙翅奮閩海游焉息焉安樂窩

忻州汪刺史重修元遺山墓於草間獲斷碑搨以見  
寄感賦長句

刺史行部春郊路路前有冢冢無樹石人石獸知何代縈  
煙結莽埋春霧下馬來尋斷碑露碑表七字擘窠書乃是

詩人元遺山之墓魏初姜或記碑陰先生遺命弟子注碑  
云或與初嘗辱先生教誨又聞先生之言某身死之日不  
願有碑誌也墓頭樹三尺石書曰詩人元遺山之墓足矣  
或與初適按部河東得拜墓下因買石刻之時至元十九年不書官爵不題名中原布  
衣了半生百年風雅中州集一代典章野史亭乾坤清氣  
最難得斯文自任誠非輕嗚呼龍蛇爭鬪山河頽銅馬紙  
寫成燼灰虛名誤人生百謗寫到蘇詩肝肺摧肯作中書  
褚淵活共諒江南庾信哀刺史修舉職所專重扶墓碣樹  
墓田補以松柏年蔭年我讀汴京亂後諸詩篇其聲幽咽  
情渺綿夢中青山與黃葉愁裏殘陽更亂蟬杏園雙燕巢  
何處秋水鳴蛙命可憐此身春草惟一醉此夜寒灰甯復  
然詩人心事杜鵑血獨恨無人作鄭箋

縣諸生十數輩送余至蔚州之喚泉村越旦喚泉人

復爲余設餞堡門外遲回久之而別

塞晚秋日澹邊寒秋雲凍惻惻背風催宛宛手條弄天色  
黯將收人情苦遠送送我到暝泉揖讓諸生眾周旋不能  
捨翦燭連牀共杯盤旣狼藉笑語復喧闐泉暝情益暝終  
宵詎成夢明日村之人出餞道旁供謂言侯聲名耳習鄰  
邦重侯惠波及我愛我息我訟感侯不能已輒酒中誠貢  
聞言驚下馬嗟勞久停鞚迴頭別諸生拭淚心餘恫去去  
午影斜忽忽朝醒中老眼醉生花一派野煙霧

文上杰字冠南善化人乾隆癸酉舉人官會同教諭

過龍洞口占

古洞一村煙風光瞥眼前綠陰濃野樹春意動山泉僧踏  
雲邊路人耕雨後田碧桃開兩岸誰糴武陵船

賈虞龍字舜臣號雲城漢軍旗人乾隆癸酉舉人有謙

益堂詩鈔

詩話舜臣生於乾隆元年丙辰卒於乾隆辛巳年僅二十六詩藁爲其繼配劉所藏其猶子文煒梓以傳世舜臣與王夢樓最善袁簡齋謂其詩尤工七古

秋雨懷朱竹君

晨興步平野天風澹容與木葉隨征鴻哀蛩泣秋雨騁目  
意所愜返觀默無語懷哉生平人亭亭獨延佇

同顧備九彭晉函姚姬傳朱竹君陳伯思仲思游三

藐庵看菊花歸於伯思處小飲

天高寒雲輕日瘦秋氣老驅車出郭門枯槐夾古道細雨  
溼征鞍風來颯然好偃仰羣牛羊纍纍藉衰草霜凌百物  
殘茲游苦不早爽塏亦足樂何用怨枯槁



古寺鬱嵯峨塗飾雜丹黼伊誰實經營莊嚴供千佛老僧  
出迎門導我入禪室語以種植能至理亦超軼時花何必  
多往往有奇術

琉球刀歌

天吳翻風立海水老鯨跳波翦長尾殷殷空山霹靂聲飛  
來海客鑪中死鑪中冉冉浮炎煙迺厲迺鍛成三年銛鋒  
照川霜雪白寶鏐出匣芙蓉妍黃雲崢嶸天宇廓陰森日  
暮精靈躍奇氣能教山魃愁寒芒欲逼天星落神物所屬  
非人求會合亦似鍼磁投遠從鼈背踏滄海攜來萬里沙  
棠丹出鞘蒼茫對晴昊百感無端入懷抱十年磨刃贈何  
人夷門古路生秋草

秋日

涼風吹側帽獨上最高樓眼底誰知已天涯又暮秋平蕪  
雙落雁野渡一孤舟太息歲華晚清光不少留

王夢樓齋中夜話

舉世包容久諸公泛愛多有懷宜對酒無地敢悲歌抗疏  
欽劉向輕身恥卞和涼颺聽淅瀝獵獵打枯荷

黃葉愁風雨青山感歲華年來貧到骨久住卽成家奇數  
眞三黜吟情尙八又多君車笠意深夜笑言譁

萬柳堂懷古

廉公清興酒顏酡紅豆拋殘白紵歌三疊笙簧雲外散六  
朝煙雨夢中過尊前秋水開蟾鏡檻畔山光淡綠蛾惆悵  
更無花解語高樓凭徧晚風多

堂開綠野侑嘉賓相國齋居列錦茵文獻有靈關氣數山

川生色仗詞人百年鐘鼎悲流水萬里風雲隔去津偶爾  
登臨搜屐齒年年花鳥不知春

胡蔚字少霞一字羨門無錫籍武陵人乾隆癸酉拔貢  
南河候補同知有吹萬樓集

詩話少霞爲復齋中丞子復齋晚年嘗居惠山少霞  
卽著籍焉故家中落棄官游滇南孫補山相國延主  
昆明書院居數年卒於滇徐兩松中丞爲葬於昆明  
城北婦王知書能詩爲守墓弟子蒙化彭翥爲刻其  
集粵中

謁萊陽二姜先生祠

浩氣神明在孤忠史冊存墓田滄海遠雲木敬亭昏死亦  
全臣節生猶哭主恩還聞魏冰叔直筆洗煩冤  
末劫何多難曾聞魯兩生艱難豺虎日生死弟兄情故社  
悲荒蔓遺民惜老成青山留廟祀憑弔涕交橫

郭同芳字希仲號翊清澠縣人乾隆癸酉拔貢官直隸

趙州州判

秋日雜詠

縱不思家也惘然難禁蕭索九秋天花如故國黃無恙髮  
比來時白可憐人得清閒宜命酒官當寂寞似參禪新詩  
題向開元寺誰覓紗籠待客還

楊瑞字覲班號香崖龍陽人乾隆癸酉拔貢官安仁教  
諭有香崖詩集

惜桃花

城南斜日桃千樹細騎輕筇此中去近橋一樹紅不同立  
盡東風嬌欲語路迴疑入武陵溪寺近錯認元都非明霞  
攢簇疑無路胭脂小片沾人衣風風雨雨勢太惡昨日花

開今日落花開花落花豈知楚血湘魂共蕭索可憐豪華  
滿眼新明珠金雁成埃塵曉露滴殘金谷月夜烏嘯斷玉  
樓春玉樓金谷人幾在明歲花開顏不改綠茵踏藉爭肯  
來華髮淒涼不相待當時游侶盡能詩意氣斂兀傾豪卮  
一曲遙聞折楊柳黃驄陌上誰家吹月澹煙疏一搔首浩  
歌且盡湘醪酒

由湘潭入衡山

浮家非得已幽事愛江鄉山郭明殘黛人家半夕陽浪吹  
魚子細夢近蓼花涼亦抱圖經看蒼梧望渺茫

晚過塘山口見河柳離披感賦

無復江干小泊期記曾相見憾遲遲十分宛轉隋宮夢一  
段蕭騷灞上詩落日殘鴉流水外斷雲微雨暮帆時不知

誰解黃驄曲十月河梁又別離

楊屋字子載號恥夫南昌人乾隆癸酉拔貢有恥夫詩

鈔

彭芸楣曰子載詩清氣盤空自出機杼其得之天者  
厚矣然非胎息風騷淵源漢魏胡以神味氣韻駸駸  
入古符南樵曰恥夫世爲雅州土官天全宣慰使  
雍正戊申隨父大業受宅南昌性喜爲詩邊徼奇才  
也其南州鐙詞洪州新樂府獨冠一時七古  
縱橫跌宕七律音節蒼涼卒年僅三十二  
詩話恥夫詩清越激宕而音節近唐人不落宋派彭  
文勤蔣心餘皆重之遺詩卽文勤所定心餘詣曾賓  
之云新詩自陶鍊收束筆逾陡一語盡其造詣曾賓  
谷編江右八家詩鈔曰陳伯璣曾庭聞蔣心餘趙山  
南汪輦雲帥伯子何  
鶴年恥夫其一也

同蔣心餘彭芸楣游北蘭寺

無數征帆向馬當龍沙北去樹蒼蒼去年君亦他鄉客此  
日誰傾地主觴野渡春風歸鳥雀寒山返照下牛羊贊公

形勝集卷之十一  
去後風流盡依舊閒雲鎖竹房

棧道猿聲歌

猿朝鳴猿夜鳴勸君乘舟毋陸行頃刻葬魚腹肢體猶得  
全懸崖一墜血稠疊野狐生啖目眊眊劍門插天青巘岼  
行人但左擔轉趾不易肩胛岫置傀儡來去導行人去挾  
木人去來挾木人還木人不見人不前不者對死脚躑間  
猿鳴苦猿鳴酸江南苦秋熱邊氣早淒寒秦時燒棧至今  
在八月積雪橫雲端早捫貍跡爭追攀裂膚墜指心猶歡  
今年墜崖不知處明年下視枯骨荒草纏君不見陰平天  
險不可當魏人下令如驅羊一落千丈血裹瘡回看棧道  
我心傷艾艾西來功可王胡不錦衣歸故鄉

題家藏仇十洲畫馬

官馬滿櫪一匹無手持尺絹走且呼老奴旁捋白髭鬚此  
馬甯與凡馬殊可記當年全家遷播下成都郎君初騎果  
下馬青絲絡頭老奴扶就中主人汗血駒垂鞭緩轡從者  
趨指似此馬百不如何不出易斗米供朝餽我憶仇英下  
筆時全身學馬無不爲身不著地頭尾踈馬仰視天鬃橫  
披叱之不起神猶夷四圍淺草官無笑嗟我八千里外身  
孤羈道逢駑馬不能騎無人知是邊城兒

泰西畫人物田舍一幅自蜀攜來十餘年矣重加裝  
潢以詩誌之

橫得二尺縱一尺樹裏人家好風日喬木拔地雲蒼茫籬  
落兩圍中牛羊草木辨色如籬長牛羊隱見風低昂屋北  
似是打稻塲桑梯不取倚壤倉誰其牧者三河羌前顧後



侶歸不忙此中雖樂非吾鄉卧龍山下春射獵父手射鹿  
飲鹿血父膝坐我指我嘗父今黃泉母白髮南遷得授灌  
鄉田力田孝弟身手閒丈夫躬耕豈足恥我有天子憐飢  
寒內遷南昌蒙賜  
田一頃宅一區

### 梅嶺懷古

路入雄關鳥道斜參天古木暮雲遮樓船是處思名將逢  
掖當年走傳車氣候何須異寒煖山川今已入中華雲開  
百粵層城遠獵獵風迴卷白沙

### 雨中過鬱孤臺

雁聲蕭颯過江來江霧沈沈雨不開嶺外梅花飛作雪春  
風空鎖鬱孤臺

### 宣德賜印歌

往見一牙章文曰妙悟莊嚴陰詩宣德  
二年賜刺麻刺幹藏卜蓋明錫番僧印

也

蠻夷識印不識字錫以牙章靖邊事紅帽黃帽呼萬歲刺  
麻子孫印世世貢表押印朱模糊徧袒纓絡來渡瀘入抱  
氈毼謁天子出分金帛歡妻孥大印小印不知數鴟夷懸  
之碣房貯石龕生受旃檀香手炙肥韃唱經去忽聞銀官  
來貨場紅帽黃帽刀交光天兵直入法王死碣房爭取金  
銀章此印流傳入中土驚雷一聲花一吐塵埋古寺寶幢  
光血漬車輪高紐古我聞刺麻呼法王青獅白象雲相羊  
前朝眩術感佛國羣僧雜出雄蠻方舉手加額日入部左  
擔崎嶇棧飛渡駟馬諭蜀來相如萬里不毛皆貢賦

康郎山懷古

白浪連天地蕭條戰伐塵驅除民有主割據爾何人百戰

艱窮寇諸公解致身由來開創業草木亦能神

題蔣茗生歸舟酒醒圖

桑乾霜葉打征衣柳壓秦淮白雁飛煙月五更停欸乃江  
山萬里見庭幃入秋天氣多沈醉送別鄉人羨早歸此日  
仲文橫錦瑟不從簾外問湘妃

黃頭傭起挂帆遲酒渴鐙殘卷畫帷多病貲郎難諫獵同  
舟小婢定能詩何時富貴歸須早如此風波醉不辭一樣  
碧桐宮井意重教舜舉寫烏絲

錢舜舉有張麗華侍女汲井圖甚工

孫起棟字天擎號白沙新化人乾隆癸酉拔貢有遼西

湘南諸集

詩話白沙傲岸負氣乾隆己卯坐科場事譴戍至嘉慶初始放歸歸後無以爲生客粵西快快還里中途遇盜盡攫其詩文槩以去憤甚死東安旅店其遇窮矣詩個強生硬如見抑塞磊落之概

寄潁上王晉齋令長

我有故人潞河涘不見紫芝厯三紀俟河之清壽幾何川  
原浩浩沈雙鯉昨來倏遇城南杜名父之子來古戍爲訊  
東牀王會稽鰓縷粗得知其故棲枳鸞鳳亦不辭身騎士  
牛又何遲將毋誓墓如羲之貪冒苟進非所期祥符相握  
天下砥東南民力歎竭矣一命愛物必有濟矧乃郎官宰  
百里六一翁與玉局翁聚星禁體雪花中廿年清潁落君  
手知餘賦筆聲摩空我來卅載墜苦海桐根半死嗟猶在  
埋愁無地鬢毛空惟有恆河性未改卻憶玉堂金馬客迴  
翔久絆王喬舄念我虛吟絳蠟紅祇今未許烏頭白我有  
敝帚千金賞欲付梓人勞悵望有大力者負之趨得不飛  
書去潁上此生歸路轉茫然狐豹邱山絕可憐何日與君

賦泛頽相將聶醉西湖邊

和幼梅抵臨榆見呈

相逢一笑兩飄萍絮語連宵到曉星  
衰朽吾慚照夜白俊才弟似海東青  
危炊久漸矛頭米短劍今來老上庭  
無限淚河流不盡未乾蠟炬共熒熒

莊培因字本淳一字仲淳陽湖人乾隆甲戌一甲一名

進士授修撰歷官侍講學士有虛一齋集

詩話仲淳爲南村次子兄方耕乙丑一甲第二仲淳  
一甲第一皆進呈御覽時由二甲拔置一甲者仲淳  
於傳臚前一日值久旱得雨高宗大喜顧侍臣笑  
曰可謂狀元雨矣伊稔平定上詣闕里告成仲淳  
與少司馬兩錢公同派隨駕恭和御製題三人同於  
途次口占馬兩指爲馬上詩壇朝廷舉行慶典自祭告  
天地宗廟山川百神與夫內外臣工褒卹碑祭諸文  
多出其手一時文名藉甚然觀其詩殊少佳作而恭  
和御製詩又居大半劉召揚謂此卷爲蒞祠葆琛所  
裒集大概從計車北上及需次春明時在舊交中蒐

羅而得者居多  
非其全豹也

立秋日效陶徵士體

孟秋雨初霽涼颺緣窗虛溽暑漸欲闌始覺夏葛疏莎雞  
吟砌間水衣上庭除感時意不昧惜日情所紆開軒挹新  
爽散帙窮居諸晤言一室中游心太古初俯仰浩無慮密  
爾以自娛

閒居屏人事與世安所乖圖書盈我前卓犖平生懷寥寥  
天宇澄高秋氣彌佳何以寄真想遠在山水厓枯桐聊可  
揮澹泊古與偕諒非悅耳聲因之素心諧

青石梁

石梁積空霧策馬穿宿障一徑迴入幽兩壁儼相向攀援  
窮上躋彳亍怯下望纔過登厯艱始覺宇宙曠朝霞忽爭

飛變幻非一狀獨樹綴高嶺殘雲帶連嶂卽日信多奇塔  
焉效天放

倪承寬字餘疆號敬堂仁和人乾隆甲戌一甲三名進  
士授編修官至倉場侍郎有春及堂詩集

盱眙縣懷古用杜工部九成宮韻

盱眙南山湄泗城浸如白雉堞宛然圍流波蕩缺口城心  
蘊浮屠晃朗存戶牖想當水未瀦山城大於斗洪濤傾天  
吳巫支祁駭走遂使婦子居竟作蛟鼉蔽導川順水性神  
禹功不朽水由地中行妙用傳希有後乃違厥度湮水水  
失守宣防英詰能法鑒千載後長空松風迴憑軒惆悵久  
掘地伊何人注海重搔首

汪永錫字孝傳號曉園錢塘人乾隆甲戌進士改庶吉

士授編修歷官內閣學士

游飛來寺

禪宮何事此飛來造物鍾靈亦壯哉  
水勢總趨滄海下山門長對翠屏開  
二禺孰辨游仙路初祖還留說法臺  
不覺登臨動鄉思冷泉亭畔舊徘徊

戈源字仙舟獻縣人乾隆甲戌進士歷官太僕寺卿

詩話仙舟成進士年纔十七文譽亞其兄視學山西沁州處士葛培初年七十隱於詩仙舟物色之使應童子試取冠一軍

和李青墅贈葛培初韻

憶曾叱馭訪衡門茗椀香煙笑語溫  
士氣故從吾輩作詩名原竝使臣尊  
相知敢謂傳心法晚遇翻愁惹淚痕  
好記青霄蜚羽日望雲有客詠騰騫



曹學閔字孝如號慕堂汾陽人乾隆甲戌進士改庶吉

士授檢討歷官宗人府府丞有紫雲山房詩鈔

詩話孝如學行誠篤人樂與交詩亦平實頗肖其人  
翁覃溪稱其詩在香山放翁間且言自古詩人在中  
條王官谷者若義山表聖裕之及近日蓮洋皆以才  
力跨越前後而先生獨以性情沖淡與道大適脫然  
於名譽之外  
斯言得之矣

贈介對江吏部致仕歸解州

無田不可歸有田不肯歸坐令二疏後丹青無光輝先生  
在郎署恬澹世所稀與我廿載交爾汝心相知前年向我  
道欲賦歸來辭君今以禮去觸我平生思此心如江水此  
意猶依違有田與無田義不盡於斯乃知各有志昔人未  
易訛我有無限情此情當告誰羨君條山下松菊正芳菲  
春暮同錢待之孝廉王敦初上舍法源寺看牡丹次

二君卽事有作用昌黎山石韻

海棠開過花事微春光婪尾如電飛天公意恐春寂寞故  
遣洛陽花態肥昨日猶看苞未坼入門差覺游人稀老僧  
走告忽驚喜今朝吐色堪療飢咄咄真有逼人意霞光錦  
爛排窗扉便有無窮蜂與蝶齊聲喧出香霏霏深色一叢  
栽得地屬僧裁慢張重圍臭蘭連壁偕勝友午風暄輭吹  
春衣慈恩深紅雖可愛大畚舁之太不轍惟當日日過竹  
院春光莫放恩恩歸

雨中看山

下直常扃關軒窗四繞山時時看青翠長此對孱顏山色  
朝朝見未覩真山面一朝風雨來氣象千萬變變態竟若  
何縷縷起微波須臾潮汐湧又或露青螺露處忽已沒有

無皆恍惚迷離山疊山雲與山俱活卻就連天浪摹擬山  
形狀清風颯爾吹依舊山容放瞥見歎觀止徐徐思至理  
君子蘊經綸不測總如此當其無事日豈有異人術遇合  
會風雲虎變應髣髴

和陳繩皋前輩憶塞垣元韻

勝游轉瞬往仍還三月秋光一霎間最不忘惟松下月極  
縈情是雨中山塞垣聚首驚陳迹京國比鄰憶舊顏自覺  
壯心猶未已那堪相對鬢毛斑

歸來高卧北窗前懶慢心如不繫船驥足幾人看滾滾羸  
車我亦自年年敢言白傅惟攤卷非學坡公待有田時與  
素心頻聚首清歌濁酒樂陶然

不寒不暝好秋光重理齋頭舊錦囊園徑未荒籬下菊伊

人宛在水中央好攜樽酒邀明月擬杖青筇踏曉霜應憶  
灤陽風景好隄邊遙認柳絲長

查善長字樹初號鐵雲天津籍宛平人乾隆甲戌進士

歷官工科給事中有鐵雲詩藁

詩話鐵雲爲蓮坡老人長子其官給諫  
被命巡漕驄馬經行鄉里傳爲盛事

雨晴登環水樓卽景

夜雨酣如夢悄悄到五更曉來登水閣涼意滿秋城茶葉  
同人瘦葦花生遠情癡雲飛不動角角學山行

青縣道上

閱盡高低路霜痕復草痕寒煙平似水叢樹遠疑村野店  
無多席荒庵總閉門殘陽衰柳外指點戍樓存

于宗瑛字英玉號紫亭漢軍旗人乾隆甲戌進士改庶

吉士授檢討歷官御史有來鶴堂詩鈔

己丑九月與金香泃山中話別有贈

秋姿澹平野暮氣起蒼山林表月既白山中客欲還高情  
慰愁夕寒露下松關揮手復塵跡心長雲水間

胡紹鼎字雨方號牧亭孝感人乾隆甲戌進士歷官御  
史有所存集

詩話牧亭性至孝舉乾隆辛酉鄉試次春公車北上  
母倚闥送之色慘然牧亭覺僞作腹疾返遂輟計偕  
侍母十二年起試母病嘗冀以驗甘苦與同年朱  
竹君紀文達曹慕堂錢辛楣汪魚亭蔣甘餘最善文  
達稱其人品孤高學問文章具有根柢通籍後復肆  
力於詩者十年律法最爲細密才力又足以充之故  
蘄然橫絕時輩自刪其藁所存不過十之二三嘗自  
序云人心厚則言不佻人稟所存不十之二三嘗自  
性情之正則言日和平而進於道非貌託古人以取  
譽於世夫亦求其所以自得而已朱竹君誌其墓謂  
其卒之前一歲盡裂詩焚之將卒手百篇授曹夢齡  
曹爲鏤木以傳詩簡古淡泊適如其人其師夏力怨

謂牧亭一字一句鏤肝腎而出之而又必乘之以自然之勢蓋浸淫乎漢魏而一變至道者也

### 辛巳夏登翼際山

過橋攀絕巘冉冉到虛空  
石灰下臨水雲高微有風  
萬家分漢北一郡出江東  
此地何年別人煙遂不同

### 送夏需堂還太倉

明日江東路恩恩又遠行  
家鄉同一望客舍已三更  
木落山風急潮來海月生  
報書多盛事可以慰離情

### 和紀曉嵐贈張白菴韻

客游耽海嶽嘉會此相尋  
花下三春醉人閒萬古吟  
風塵隨捷足山水寄同心  
莽莽飛光闊天涯共照臨  
萬里艱虞後淩風立古臺  
空山留片石老樹上新苔  
百卷閒中得孤雲何處來  
夜闌詩句好吟罷獨徘徊

西風吹薄暮帷幕盡飄揚擇土甯爲嶽隨帆又轉湘場駒  
還信宿海鶴自翱翔話別歸何處東游向洛陽

顧鎮字備九號虞東常熟人乾隆甲戌進士官宗人府  
主事

### 登盤山

嵯峨千仞薊門山謝屐當年迴未攀百道泉光翻海窟三  
盤地勢接天關尋雲何處高人隱扶杖曾看御輦還指點  
衛公臨眺處劍臺零落薜花斑

葉佩蓀字丹穎號聞止又號辛麓歸安人乾隆甲戌進  
士厯官湖南布政使有慎餘齋詩鈔

### 城子山懷古

賦詩臺畔瞰江東橫槊依然意氣雄只是臨流歎天塹也

愁赤壁遇東風

鐵鎖何曾斷上流臨江卻使五官愁阿童他日風偏利容  
易樓船下石頭

有以西域骨種羊裘見貽者謝卻之因綴長句

天公幻化紛奇譎攫弄人心成蠱惑冰蠶作繭火鼠衣鷄  
尾雉頭恣絢飾傳聞萬里流沙西瀚海外環哈薩克蒲山  
殺糞異丁零達生自地非圻副羊死以骨種之士考牧依  
然勤力穡細思西域兌所位羊爲兌象全陰德至陰不生  
乃無死感以陽精復滋息斷虺可聯鼈可藝理有固然非  
臆測茲羊留骨兼重皮其中純黑尤難得貴人爭購踰狼  
荒一裘價可半千直有客持寄致珍重開絨觀者俱動色  
旋珠細疊螺髻圓黝光潤奪鴉雛墨我生長物本何有蔽



體聊取充要褊忽看奇服映懸鶉翻似杜陵驚翠織人生  
百事鬪新異稱此以求焉紀極美好雖得時俗誇暴殄恐  
有神明殛亟揮還客心始恬朗詠素絲安退食

望岱

震出東維峙大鈞體元凝秀鬱嶙峋雲煙一氣迷齊魯松  
石千年厭漢秦碧落上參無盡際滄瀛俯掬有邊垠遙瞻  
九陞明堂位配極升中秩百神

巖壑生平寢處逢乾坤奇偉總羅胸纔辭仙掌雲臺址來  
眺天門日觀峯曉霽吳閶明白馬春陰碣石起蒼龍神州  
此脈開洙泗不信他山別有宗

沈業富字方穀號旣堂高郵人乾隆甲戌進士歷官河  
東鹽運使有味鐙書屋詩集

渡河

霜鬢添來此日多，漫將心事託煙蘿。  
疏星曙色分嶠嶺，落日西風湧大河。  
春到傳巖應作雨，津開茅澗自橫波。  
吳歛忽起鄉關思，彷彿離筵一曲歌。

有感

荒深庭院蘚苔斑，到處標題感舊顏。  
落葉半填穿砌井，夕陽斜倚對樓山。  
敦槃當日爭雄長，樵牧於今話等閒。  
太息梁間飛燕子，年年春盡尙知還。

李夔班字栗齋號足一新會人乾隆甲戌進士官信陽知州有課廬堂詩鈔

送施嶧昭歸山陰省覲

主賓惟右三年餘，相送江南問起居。  
好共來調趙抃鶴，休

思去釣子陵魚一帆風雪歸程遠千里關河悵望虛計日  
春深應把晤願從禹穴乞藏書

黃惠字心庵永陽人乾隆甲戌進士官高安知縣有餘  
事齋詩藁

度仙霞嶺步周櫟園壁間原韻

朱霞天半接高峯怪石森羅擁翠蓉竹外茶鐺敲雪煮溪  
邊水碓帶煙舂危樓盡入雲林畫絕磴來尋康樂蹤四度  
出關緣底事幾人辛苦一僧慵

行李蕭蕭雪戒途千尋巖壁一筇扶泉流涓滴終歸海山  
勢盤紆直到吳衣上嵐光行處散蘚深碑字望來無使君  
自有宣城句

謂吳林塘明府

我亦喁于興不孤

紆迴石級接天長北苑屏風面面張十里轂音隨地轉

嶺爲

閩浙分界  
方語各別

一肩湖草過山香

江南丹陽水  
草過嶺乃香

卉衣推髻盤荒

徑紅橋青瓜貢尙方半刻閒身同小隱竹竿簞簞立滄浪  
呼吸真堪帝座通上方初日照瞳矐飯僧燒筍空林下供  
佛移花古剎中老圃灌園擎甕重旱田編竹引泉工半生  
辜負看山約又向春風逐塞鴻

陳伯丹李荷卿李天卿秋夜集雨香齋小飲

秋風常不改悲懷直到今相看俱作客半醉便微吟疏柳  
三更月冥鴻萬里心知君能遣此樽酒與鳴琴

周春字松靄號菴兮海甯人乾隆甲戌進士官岑谿知  
縣有松靄詩鈔

荏平懷古

淩煙閣上盡公侯奇遇誰能似馬周英主用才元不測太

平作相更何求生前忠孝光青簡死後形容動紫旒羊鼻  
鴛肩曾共事昭陵斷碣卧深秋

張湘字楚山天津人乾隆甲戌進士官餘干知縣改新  
城教諭有大雅堂詩集

題思源莊

重築金吾舊日莊紅菱白芡護山堂丁甯河上銜泥燕還  
向烏衣覓畫梁

暮捲珠簾暑氣收臨河亭子坐來幽照人一片空明水風  
滿垂楊月滿樓

陸燿字青來一字朗夫吳江人乾隆甲戌明通榜授內  
閣中書官至湖南巡撫有切問齋集

詩話朗夫治宋五子之學精析義理洞達事物讀書  
一歸於實用直樞廷資深出守游陟方面以廉潔自

矢所至有政聲初蒞長沙夢吟七言長篇記一聯云  
能開衡嶽千層雲但飲湘江一杯水清介之概夢寐  
不渝被其澤者  
誦之爲流涕云

### 宿瑤亭子

吉行有程期駐驛日未午前至瑤亭子萬帳息貔虎離宮  
宿衛嚴驥騎殼強弩羣馬喑不驕夜靜聽更鼓扈從多文  
臣輕裝離隊伍一一覆穹廬文翰集圖譜高竿挂旗幟夜  
則懸鎧火公餘每過從望標輒知所自愧佔畢儒舉十味  
二五勉哉盡職業上以報明主

### 青山梁曉晴

隔宿戒徒御言度青山梁此地易陰雨往往沾人裳宜令  
先事備結束趁早涼僕夫應且笑向曉偏晴暘地日照征  
衣瞳瞳來扶桑翠華旣前擢萬騎隨騰驤聊復策余馬超

忽登高岡下視灑樹溝木葉秋清黃

大人命題臨本西嶽華山碑

漢隸十碑九皴剝尋行可讀存西嶽舊揭流傳直萬金雙

鉤摹勒違其朔茲本獨無秋毫爽誰歟妙手尙書華商邱宋大

中丞我家借臨規九勢一波一磔妙雕琢豈無畫沙與印泥

世人競尙谷口學鄭簠不知斑駁非本真當其脫手光濯

濯卽如晚出有曹全正於姿致見高卓不然徐季海韓擇

木皆唐賢何不率臆逞肥濁蛇紆蚓綰遞相師唐人學漢

無人覺可惜神靈失呵護竟同薦福毀雷雹郭髯趙嶮今

俱死遺文金石誰商摧

送顧宗人古湫

虞東顧夫子著書仰屋梁日食太倉不滿腹歸心忽逐南

雲翔縱是無田計亦得槎枒萬卷撐空腸化爲文字異詭  
怪吉雲甘露呈殊祥末流承學正歧驚卑者墜谷高排闥  
四方上下奚所稅亟須導引歸中央要以六經爲根柢先  
就制義除秕糠碑版論述貫子史六書聲韻兼稗倉等身  
著作老無用歸與後學陳其方吾鄉輩出富才俊近來本  
業多蕪荒爭事組織爲巧麗依附哲匠成聲光願返浮文  
出經術茲行能不懷餘望嗚呼茲行能不懷餘望

曉發案斑鳩活絡色欽

晨炊早熟敝裘輕殘月猶懸事曉征雁背白雲沙際立人  
穿紅葉嶺頭行無多長物酬僮僕只倚同官作弟兄聞說  
關山今極北向南明日是歸程

甯楷字端文號櫟山江甯人乾隆甲戌明通榜官涇縣



教諭有修潔堂稟

詩話樂山少貧甚賣卜以養親課蒙江村江甯令張嘉倫夜微行聞其讀書聲就語試以文驚爲異才招至鍾山書院肄業竟成名爲校官終以顛直罷歸貧如故也有金陵懷古百韻詩喜馳騁時有健句可取

過九江

琵琶亭外好風催十幅蒲帆快溯洄春水倒流三峽去夕陽斜渡九江來小孤翠黛波心出彭澤煙光鏡裏開眼底不知今古異灌嬰陶侃自多才

黃陵廟

目斷重華竟不回鷓鴣聲入遠江哀暮雲祇傍蒼梧宿春水還疑瀉汭來淚竹豈愁秦帝火巫歌曾借楚卿才更堪鼓罷淒清瑟風雨蕭蕭兩岸苔

梁肯堂字構亭號春淙錢塘人乾隆丙子舉人由知縣

官至刑部尚書出爲漕運總督有石幢居士吟藁

詩話春淙初宰鹽城有政聲累遷至直隸總督入長秋官出監漕政裕陵復土故事以高年大臣三四

人守陵春淙與馬居三年以尚書銜引年歸里至家甫數日遽卒年八十有五

秦淮泛舟  
管絃絃爰簇畫船河亭風幔鬪芳鮮消魂一曲秦淮水纔見垂楊便可憐

癸酉小除夕

踪跡真如不繫舟堂堂光景速於郵應酬門戶憐黃口料理虀鹽累白頭送臘縱銷千日酒挑鐙那遣萬重愁祇餘舊雨耽文雅分榻論詩爲我留

時延吳大鞠田度歲

劉秉恬字德引洪洞人乾隆丙子舉人官至兵部侍郎有公餘集

明月店

玉鏡當空照流輝萬里清最關游子意偏動遠人情夜伴  
琴書息朝辭劍佩行郵亭多少處明月舊題名

畢廷斌字憲章號恥齋昆明人乾隆丙子舉人歷官定  
南同知署南安知府

舟夜行過太和黎明抵廬陵

日落晚風輕濛濛水氣橫天河垂夜永漁火傍星明照渚  
溫嶠癖聞歌謝尙情今宵乘貫月縹緲十洲行

卽事

山城木葉落蕭蕭手爇松明夜漏迢月色空庭看不盡一  
瓢清酒讀離騷

蔣業晉字紹初號立厓長洲人乾隆丙子舉人歷官黃

州同知有立厓詩鈔

詩話立厓詩頗效隨園北之體故兩家皆稱之於  
馳騁中不涉輕佻差爲可取在官時因文字之獄牽  
連遣戍久之始歸吳中推爲耆舊與潘榕皋韓旭亭諸人唱和晚作漸趨平易矣

過太華山下

太華接天險突兀起我面驅馬山下行朝看暮猶見崔嵬  
少昊宮隱現列仙館裁冠壓雍梁芙蓉插霄漢巨靈訝初  
劈兩戒忽中斷西方物所成呼吸能吹萬紫氣騰空白  
雪凝匹練何處酌天漿仰止徒生羨替我登岱宗裹糧勞  
不憚揮手凌雲端聳身倚天半崎嶇十八盤籃輿尙安便  
詎似陟此峯鐵索懸一綫韓公好事徒痛哭殊膽顫遠游  
我已非登高豈所願白雲裊晴巒回望生依戀

六盤山

橫塞接青冥天教作障屏陰崖闕冰雪絕壑走風霆秦棧  
雄今古行人恐晦暝驅車最高頂長嘯起山靈

龔開畫瘦馬行次沈歸愚宗伯奉敕作原韻

古人命意多神奇千金駿骨市不疑杜陵野老慨瘦馬鬱  
勃寄興東郊詩翠巖昔日稱畫隱生逢末造悲其時蹴踏  
四海滿荆棘跼蹐輶下傷塵羈神駿豈存食肉相蘭筋豪  
骭標龍姿銅駝石馬當日盡禾黍百世以下畫本珍重乃  
受天家知不鳴不躍自矜寵帝庸作歌誰賡詞惟公胸次  
同杜老凌紙怪發抒襟期而胡江村老詹事無能爲役祇  
錄東郊瘦馬詩吾聞米芾奉敕作大字潑墨染袖何淋漓  
孰若公詩挾天藻一吐終古寒士硯硃胸中奇卽今林下  
許問字導夫先路猶孜孜晉也後生厠末座杖履無恙欣

追隨贈蹬久同槽  
樞困感激還勵風雲思  
安得長邀伯樂顧  
養成毛骨供驅馳

北庭都護行爲武勇公奎將軍林作

南山有竹直不扶  
括羽鏃礪懷以須  
渥洼之馬龍爲徒  
星精下降天閑儲  
人物絕類稟自殊  
濟時英傑生非虛  
惟公大將行則儒  
忠信甲冑體用如  
火不能燕水不濡  
出險入險同坦途  
往者溟海申天誅  
急槍怒馬千人呼  
譬若獨鶚摧羣鳥  
詩歌召虎平淮徐  
一人知己無雙譽  
遠移節鉞天山隅  
輪臺四野黃雲徂  
長風捲沙雪片粗  
蕃羌射生飲酪酥  
每借游牧窺邊虞  
秋獮冬狩軍政符  
六鈞弓注金僕姑  
壯士一一勇賈餘  
圍場霹靂聲連珠  
飛者走者殲且屠  
羣獠驚竄如鼪鼯  
烽臺絕磔鼓不桴  
經營荒漠垂久圖  
耕屯

悉力勞征輸南接高昌北伊吾糗糧車乘隨時需遠近徵  
調難牽拘斟酌多寡善因除公之叱咤風雲驅直入虎穴  
無趙趙公之平易陽和舒水清或恐無大魚一規定遠籌  
邊謨期年化洽軍民蘇玉門關外春來初纖纖柳色雲中  
鋪龍城清霽倅皇都我來遠戍同集枯瞻望弗及空歛歔  
長城之倚廣厦居先聲已浹人肌膚結綠青萍抱區區有  
懷欲吐難陳書星雲垂象昭天衢回鶻利見占豈誣文武  
爲憲詞非諛北庭都護如公無吁嗟乎北庭都護如公無  
從將軍圍獵南山口歸紀其事

北庭之北南山長山圍左右皆降羌其俗慄悍錯雜處非  
示殺伐多披猖聖朝拓地二萬里酋長率服俱來王控弦  
士馬半耕鑿戊己校尉停邊防寓兵於畋作軍政春蒐秋

獮威遐荒將軍昨歲除天狼簡命秉鉞來堂堂充國之謀  
定遠略揆文奮武昭龍驤輪臺九月氣肅殺乘時出獵山  
之岡八旗軍士共結束幟分赤白青元黃步伐止齊聽使  
令或應翼布或箕張雕弓入手鳴霹靂騎馬脫轡馳風檣  
元戎腰橫大羽箭挽強作氣吞黃獐耳後生風鼻出火穿  
林跳澗捕逃亡翩翩公子錦衣郎人馬俊逸不可當番回  
健兒鐵裋襦呼鷹放犬爭趨蹌射麋麗龜取狐貉恍同效  
順提壺漿合圍陰山山欲動遠近震懾軍威揚隊中不整  
卽鞭責幾經申令逾三章國家習武本教戰爾輩何得干  
戎行觔生此日欣寓目驂乘還許同翱翔登俎登器有典  
制選時選地宜周詳長楊賦獵夙昔志空山駐馬殊徬徨  
將軍罷圍歸虎帳雄心對酒慨以慷爲言此地禮廢久須



教有勇還知方風霜敢惜邊境苦兵甲自耀天庭光夜深  
寒氣入帷幄起視山月煙蒼蒼

鞠悞字彝恭山東海陽人乾隆丙子舉人官安慶同知  
贈高上林先生

海邊辜負舊林邱南北經年伴遠游買酒鵲湖同倚棹聽  
歌燕市共登樓上書又下劉蕡淚長笛偏生趙嘏愁可惜  
年年芳草綠春明還與約淹留

盛百二字秦川秀水人乾隆丙子舉人官淄川知縣有  
皆山樓吟橐

題畫鰕魚

何處春晴繫客思吳孃纖手膾銀絲憶從西塞山前過正  
是斜風細雨時

魯城二石人歌

魯城東南六七里有石人二一鑄樂安太守廬一鑄府門孔君莊谷揚以

寄贈賦  
詩答之

辭漢金人淚暗滴何處摸抄歎銅狄歸然不見魯靈光一  
例西風吹瓦礫石人乃得全天年偶立千秋古道邊樂安  
太守爾誰是姓氏猶在名無傳古道離離禾黍但向斜  
陽日延佇干呼萬喚不肯回忍覩蓬萊變塵土日暄雨洗  
換年光碧蘚紅蘿作繡裳紙錢飛散白蝴蝶寒食何人澆  
酒漿斲冰詞客好事者獨往驅車弔原野古隸龍文揚寄  
來翠墨寒濤我心寫宇文石鼓等兒孫苦縣光和是弟昆  
遙知月冷清霜夜石人相對語精魂

蕭霖字雨垓號曙堂江都人乾隆丙子舉人官普洱知  
縣有爨餘昆海等集

闢署後空地爲菜畦

公儀昔相魯園中拔其葵豈以士大夫而學園夫爲此語  
所見大吾敢忘情規第念勤與儉亦足箴官師杭田五十  
畝傲吏恆有之食菹廿七品廉士甯非宜區區意如此疑  
爲有識嗤寄語賢守令吾志甘自卑

家無五畝園迂拙愧老圃四體不知勤年年飽天庾伏念  
閭閻中歲時多作苦抱甕綆龜手插棘刺傷股烈日蒸笠  
蓑嚴霜溼衣履我來課園丁此景眞目覩一勺杯中羹民  
間汗如雨念此心慙然聊訂嘉蔬譜

治人自有術種蔬亦有方培之欲其厚養之欲其長毋爲  
日炙乾勿令蟲嚙傷雨露所不逮灌溉焉可忘行之經半  
載已見沃若光瓜壺碩且大葵藿清而香如有非種者鋤

莠安其良物生旣以遂庶可佐盤觴

吾愛於陵子習靜逃世喧吾愛漢陰叟忘機樂邱樊一行  
已作吏茲事甯復論退食幸多暇荒畦且爲園薙草平蘚  
徑編竹開籬門春風坼嫩甲秋雨滋陳根非敢誇吏隱聊  
以息塵煩咄哉漆園吏位卑道彌尊

李天英字藥庵永川人乾隆丙子舉人官貴筑知縣有  
居易堂集

洞庭

一聲衡雁過鳴舫洞庭游帆飽輕風送湖寬細浪收欲騎  
仙子鶴何處岳陽樓不敢吹橫笛湘山正暮秋

阻風燕子磯游永濟寺口號

莫向江神問險夷一江風浪過來知人間儘有平安路只

在收帆轉柁時

孤亭如翼浪如雷劃斷東流向北迴欲問南朝舊時事寒  
鴉嘯過雨花臺

覺羅成桂字雪田乾隆丙子舉人有讀易山房詩

詩話雪田能詩早世嘗手錄所作詩贈宗室樗  
仙將軍法梧門爲題記深致長古奚囊之惜

題傅凱亭畫山水

半世攬塵網襟懷總不羈但看高士傳每與鹿門期妙手  
寫生處幽人坐息時上衣山翠好林壑結相思

野興

川原望曷極薄暮不知還或有鳴琴者深林早閉關我來  
流水外秋在夕陽間此意誰同喻歸雲態自閒

周得壽字百齡號菊畦通海人乾隆丙子舉人

自玉石莊達天成寺

樹影沈沈合山光簇簇濃蒼煙來絕壑落日在高峯晚飯抄雲子香泉芼鹿茸耽吟殊不寂卧聽上方鐘

何在田字鶴年廣昌人乾隆丙子舉人有玉耕堂詩集

詩話鶴年人品甚高嚴徵逐寄居南昌僧舍蔣心餘見其詩壁間與訂交始知名於時其詩骨重意深遒密而翔躍在同時西江詩人中特爲矯矯

送崔尙之歸蜀

崔君趺坐厭局促多在楚鄉少在蜀坦然嘯歌真率人不似吳兒腸九曲西施嫫母各天然弄粉調朱乃粗俗君才本非幕下士肯教明珠彈飛肉脫粟布被我有之何用故人富貴爲執炙焉能知炙味丈夫立志羞朵頤白衣步擔不足惜客興無使秋燕悲篋中雖貧亦何壯猶有五萬新

蒲葵此去湖湘煙雨隔千山萬水想行迹樹因無主號相思鳥不多情亦頭白心中萬事常棘口握手恩恩憶不得但屬他時宰相見不改今朝舊顏色

放懷

三年羈病絕冠纓此日家山眼力明歷徧世緣粗識道恥從詩句得知名溪留鷓鴣能消毒庭植冬青卻愛晴石鼎竹鑪無一事雕胡如掌露華盈

野望

屨危仍舊蠟衣浣試新痕小雨來何處歸雲各有村町畦聊自治杞菊與誰論燒塵何妨事真知舌欲捫

觸目

隱隱杉皮屋離離芋葉田歸人如斷雁遠水勝浮煙市晚

低魚價村荒減社錢投壺有新格爲致酒如泉

自崑山歸抵江陰

又見歸帆處延陵舊邑城  
早霞隨日上敗葉擁潮行  
颭激翔雲吹鷗翻颭翠旌  
客懷添幕府新覺搗衣聲

春日江上小園卽事

春泥小徑溼柔荑  
蘚綠空園響竹雞  
斜日遠山凹凸見  
晚煙叢樹短長齊  
門庭整頓煩良僕  
井臼荒涼感故妻  
眼底十年無限事  
江流亦改舊時隄

津門晚眺

津門斜日下東流  
無數艤艫伴海鷗  
陰火欲燃天轉晦  
晚潮纔過暑成秋  
託名久擬逢羊陟  
作客誰當識馬周  
自許壯游差不負  
蓬萊雲氣滿之罍



晚晴移詩匯卷八十四終